

T 5236.7/2213

17

111
5

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
MAR 14 1932

皇明文徵卷之三十

七言絕句

御製

孝宗敬皇帝

靜中吟

臣何喬遠恭輯

晉江河喬遠撰孝選

習靜調元養此身此身無恙即天真周家八百
延光祚社稷安危在得人

宗濟

皇明文徵卷之二十

晉江何喬遠穉孝選

哈佛大學哈佛燕京圖書館珍藏印

七言絕句

御製

孝宗敬皇帝

臣何喬遠恭輯

靜中吟

習靜調元養此身此身無恙即天真周家八百
延光祚社稷安危在得人

宗藩

肅靖王真淤

塞上

遠出漁陽北擊胡將軍談笑挽雕弧千金底購
單于首贖得沙場戰骨無

拱 樋

對月有感

萬戶嬋娟秋更清九霄靈液渺金莖關山此夜
情無限不待高樓橫笛聲

縉紳

陶 安

竹枝詞

白沙如雪撒平地黑樹 煙明遠鷗岬峻江低
人去速山頭一尺走隨舟 有景默會乃知其深耳

趙老洲

杯茶未了過黃湓趙老洲平不見村舟子指西
微笑說不消一會到城門

汪廣洋

嶺南

石鼎微熏茉莉香
柳瓢滿貯荔枝漿
木絲花落南風起
五月交州海氣涼

風土之詩

劉崧

楊柳曲

種柳城南河水流
枝枝葉葉是新愁
窺人昨日猶青眼
吹絮今朝已白頭

梁寅

題白鹿仙人圖

百尺蒼松雲氣重
千年白鹿澗邊逢
仙人月下

吹笙起知在緱山第幾峰

王翰

南陌詞

南陌東邊楊柳枝
長條拂水綠參差
行人不似枝頭絮
也有無風落地時

林唐臣

使安南珥江驛口占

士女填街撥不開
共看天使日邊來
白羅衫稱烏紗帽
坐聽齊聲說冷腮

冷腮方言甚美

袁凱

淮東逢張十二信

少年追逐共西東吳邁文章馬亮弓一自干戈
零落盡白頭淮海獨相逢

慷慨

郭奎

德興山中

江水春深好弋鳧明星垂近屋東隅國風厚自
鷄鳴始雜珮郎今愛惜無

高啟

早至闕下候朝

月明立傍御溝橋半啟宮門未放朝騶吏忽傳
丞相至火城如晝曉寒銷

今丞相入朝二燈而已閱此詩李善長汪

廣洋胡惟庸所以不免歟

山中別寧公歸西塢

一上香臺看落暉沙村孤樹晚依依老僧不出
青山寺只有鐘聲送客歸

將赴金陵始出闔門夜泊

烏啼霜月夜寥寥回首離城尚未遙正是思家

起頭夜遠鐘孤棹宿楓橋

少年行

下直平明出禁門
笑提博局伴王孫
寶刀不敢輕輸却
明日沙場欲報恩

聞舊教坊人歌

渭城歌罷獨悽然
不及新聲世共憐
今日岐王賓客盡
江南誰識李龜年

徐賁

慰吳允堅喪妻

腸斷琵琶曲裏聲
綠雲天遠不勝情
歸來玉板休輕觸
鸚鵡能呼舊日名

楊基

除夜

舊曆驚心只一行
坐依燈火戀年光
尋常客裏愁長夜
惟有今宵願更長

題十二紅圖

何處飛來十二紅
萬年枝上立東風
楚王宮殿俱零落
說盡春愁細雨中

紅椒士女圖

兩樹紅椒隔禁扉
晚涼携伴試羅衣
金鈴小犬迎人吠
應怪秋來出院稀

張羽

舟中似文性之山長

朔風吹浪打篷牕
夜靜寒威不可降
自嘆閒人閒未得
扁舟載雪過吳江

孫賁

閨怨

試掃雙蛾偶便成
容華今日倍分明
綠楊堤上嘶春雨
莫是吾家白馬聲

王偁

黃陵廟

芳洲煙草碧萋萋
古廟雲深落日低
剝盡殘碑無可問
春山惟有鷓鴣啼

王澤

小遊仙

東度扶桑看日華
却隨王母借鸞車
夜涼海色

平如掌倒看青天起赤霞

王 誼

春 思

山映簾櫳水映牕浣沙人在苧蘿江年年三月
梨花雨門掩東風燕子雙

解 縉

寄友

汝扶日月歸真主淚滿乾坤望 孝陵身死願
爲陵下草春風長護萬年青

唐 淳

西湖歌妓

美人自號董嬌嬈住近西湖第六橋不隨仙客
渡江去月明清夜自吹簫

胡 儼

山居爲俞廷輔賦

風落松陰秋滿軒霜清溪水不聞喧小齋數日
無人到虫吐青絲當竹門

送陸全卿巡按福建

問君頭上是何冠到處能令暑作寒只恐馬前
霜易落荔枝五月未成丹

席上戲贈寫真龔士常

不寫褒公與鄂公却來吳下寫胡翁
衰容老眼都相似獨不能模左耳聾

王恭

寒塘曲

玉燕古釵墮寒水曲塘無波深見底
茨菰菱葉爛成泥唯見芙蓉抱香死

李時勉

剪刀詩

吳綾剪處魚吞浪蜀錦裁時燕掠霞
深院響傳春晝靜小樓工罷夕陽斜

浦源

并州寒食

夢入故園千里遠覺來寒食在并州
垂楊不是相思樹那得花開便白頭

史公謹

書鐵爐驛

銅鼓營前日欲西
鐵爐岡下鷓鴣啼
却憐迢遞南來使
萬壑千崖入甯溪

曹遷

苦熱

六合炎蒸暑氣浮
火雲如水向西流
南風不解人間愠
只在君王殿閣頭

茅大方

上鄂王墳

我有兩行生鐵汁
等閑不爲傍人泣
今朝來上鄂王墳
一灑平原芳草濕

趙犴

城南書事

三年爲客寄龍沙
望斷南雲不見家
惟有受降城外月
照人清淚落胡笳

鎰師邵

秋塘

烟水微茫漾遠悠
采菱歌斷夕陽收
鷺鷥不省

紅衣老猶戀銀塘十里秋

劉子建

浦城謾興

清溪何似百花潭谷口雲峰半夕嵐借問子真
歸隱未鷓鴣春雨滿江南

程敏政

華亭山

曉受降書夜戢兵路人猶說伯顏名中原多少
奇男子不向燕山立漢旌

夏寅

過彭澤

縣樓寂寂枕江聲五里荒山二里城彭澤至金
更幾令縣人開口說淵明

劉珮

王威寧陰山破虜詩

二首

何人一箭落旄頭金甲連環血汗流云是監軍
王太保萬聲齊道可封侯

濁水岬邊胡婦哭紅鹽池畔虜酋哀這回芟薶

成奇績渡水穿雲黑夜來

聶大年

題高宗遺墨

摩挲五十四驪珠絕勝滕王蛺蝶圖惆悵彩雲
飛不盡至今遺恨滿西湖

丘濬

望居庸關

千里坡陀亘厚坤龍蟠鳳翥虎猊蹲青山也恐
夷侵夏疊疊層層護北門

過大通橋有感

玉河金水接天津藻暖泉香泳錦鱗流出大通
橋未遠等閒便有下义人

王徽

題虞植德耕樂堂

放棹曾看溪上花斜陽淡淡暎殘霞數椽茅屋
高低樹疑是南陽處士家

何祐

漁父詞

喜聽龍吟懶繫船釣絲風捲浪痕圓秋江月冷
侵人骨欲去蘆花藉醉眠

王 弼

次韻答李拚之

昨日追歡一闋堂醉歸山色已無光朝來中酒
無人問臥聽春鶯不下床

張 泰

遊仙詞

蓬萊水淺不容舠欲借瑤池養六鰲王母裁書

報龍伯仙源祗好灌蟠桃

張 和

晚渡石湖

畫船搖曳水雲鄉湖上南風作晚涼醉擊唾壺
歌小海藕花飛出兩鴛鴦

張 弼

舟中與司馬侍御夜話

短燭清尊話世情幾回失笑幾回驚黃梅積雨
今宵霽猶有行人惡月明

魏受禪碑

白馬之盟久已寒大碑深刻盡高官就傳典午
爲文體莫寄遼東管幼安

仙茅

庾嶺仙茅舊有名隨時采服可長生使君昨日
纔持去今日書來乞墓銘

讀宋史

一枝薜荔二千銀買得中原萬里塵縱有龍鱗
長風雨不知艮嶽屬何人

莊 泉

寄新昌王樂用侍御

落花聞道滿蒼苔可是東風又許開洞裡白雲
雖冷淡不教容易出山來

寄壽州廖同府

家鷄到處不須爭醉點風花亦有情我見白頭
張汝弼今年又在壽春城

釣臺圖

領得堯夫七尺綸白頭終蕩五湖春千層寧使

魚難得斷不移舟下孟津

趙瑤

登厓山題張弘範勒石後

誰奪中華與外夷乾坤回首重勝悲
鑄功奇石張弘範不是胡兒是漢兒

陸容

徽宗閱畫

中原風采宋江山寫出新圖墨未乾
翠輦北巡將不去只應留與蔡京看

周瑛

次陳白沙韵送賀克恭歸遼左

故國溪山病裡還半生心事語人難
牀頭舊有匡時疏不許傍人來借看

陳獻章

湛民澤携諸生遊圭峰甚適奉寄小詩

呈文定上人

秋落遙峰翠幾層不知何處嘯孫登
而今小坐黃雲看誰道方袍不是僧

吳寬

次韵天全翁書遺光福徐用莊雪湖賞梅

永嘉人物數諸王曲水難勝一野航得似太湖
三萬頃梅花灣裡作家鄉

方向

枕上偶成

深山深夏似深秋葵扇桃笙不用謀只是夢魂
還未穩飛來飛去岳陽樓

劉忠

漢武帝

生與神君密意通茂陵夜夜幸行宮縱教五利
園丹驗亦任仙家欲界中

猶夜幸行宮

長陵女子號神君帝欲與通帝死葬茂陵

伯陽

爭雄欲占萬人先方自睢盱退步觀今日何人
竊餘緒敝車羸馬釣高官

王鴻儒

小遊仙詞

鶴背天風載玉笙
右攜子晉左方平
十洲一夕經行徧
日觀天鷄尚未明

石 瑤

會昌宮詞

羽節貂裘謁內庭
太初公主髮初星
御前細說和番事
六院都來墮泪聽

鄒 智

奉和石齋先生見寄

太忠祠下聘君家
一度登門一看花
花花裡有禽驚異
客倩將青箬換烏紗

羅 柔

有感

布谷亂啼紅雨外
催耕又喚綠楊中
幽禽不食官倉粟
纔到農時便勸農

李 進

西湖夜宿

蹇驢衝雪岬烏紗
夜醉西湖賣酒家
十六吳姬

吹鳳管捲簾燒燭看梅花

顧清

除夕招王德馨

客舍長安歲屢遷屠蘓明日又新年共君只向
燈前醉免與兒童計後先

李夢陽

郊祀歌

壇宮秉笏候金鍾月出西南照雪峰不向蓬萊
看五色那知天子是真龍

帝京篇

四首

漁陽北塞古風沙二月春風萬柳斜
長安苑燕桃開出五陵花

天皇按劍據金鞍飲馬追胡翰
海乾歸來並立擎天柱不數劉家承露盤

胡后粧樓換上陽春風珠箔舞垂楊
半夜開城歸萬馬至今迷失幾鴛鴦

高鼻胡奴入漢關皂旗千隊射鵬還
君看萬古昏星月洗出中華疊翠山

嘉靖元年歌 二首

元年正月又王春四海人稱拱 聖入已報岐
山鳴彩鳳更聞關內出麒麟

大明十帝轉神明天意分明賜太平紫蓋復從

嘉靖始黃河先為聖人清 先是正德七年九年
黃河連清今 上入

繼大統
之兆

汴中元夕

中山孺子倚新妝鄭女秦姬獨擅場齊唱憲王
春樂府金梁橋外月如霜

憶昔 二首

已已蒙塵數郭登馳驅國難有楊弘如今豈乏
熊羆輩比較元非擊搏能

北望黃雲想翠華千官徒跣哭清笳安危社稷
惟司馬天下車書又一家

祝光明

過林頭看修竹數里不斷甚愛戲之

五寸衝牙丈八茅裝成十萬繞林頭莫欺襟子
興寧縣一半人家千戶侯

鄭岳

九江分司相傳爲岳武穆故宅中有石池尚爲舊物

石甃方池幾百年岳王故宅世猶傳格天高閣
今安在葛嶺荆榛野雉眠

杭濟

過武夷

人傳洞裡有仙家丹氣真成結綵霞却怪路迷
尋不得九溪春水亂飛花

邊貢

送蘓別駕

去歲秋風別省闈木犀花落雨霏霏那知此日
江陵郡春草連天送客歸

王守仁

夜宿功德寺次宗賢韻

山行初試夾衣輕脚軟黃塵石路生一夜洞雲
眠未足湖風吹月渡溪清

文殊臺夜觀佛燈

老夫高臥文殊臺
拄杖夜撞青天開
散落星辰滿平野
山僧盡道佛燈來

朱應登

沿途詠懷古蹟

風前洱水白泱泱
雪裡蒼山晚更蒼
六詔只今歸一統
殘碑猶說段平章

張琦

閒居 二首

一縷晨星入眼青
猛然援筆注茶經
兒童堦下

官閒事來報鄰翁
醉已醒

一飲還堪盡一升
酒邊萬事不相能
春來但覺詩神減
夜半烹鷄祭少陵

春詞

曉月流光過海棠
池邊初日已蒼蒼
遠書正好逢春寄
水面遊魚尺五長

溪家

紫絮茅花飛入門
淺溪幽響出籬根
當家老婦無他事
落日呼歸白鼻豚

送許習之

黃山門外竹鷄啼
舴艋風前白浪齊
今夜勸君多酌酒
陽關只在燭光西

王廷相

金陵歌

六首

吳楚亡來議定都
過江一旅卽平胡
東南誰道終偏霸
請看高皇創業圖

山到金陵龍虎分
大江環抱日生雲
千年宮闕存遺事
猶有都人說建文

檄楚徵吳集義師
夏公託故蹇公遲
台州自有王元采
馬革韜尸更不疑

舊內宣傳賜魏公
美人飛出兩芙蓉
若非醉臥璿瑜地
幾誤開天第一功

聚寶樓城插碧霄
阿婆亦有賽公橋
黃金難買長安住
白首猶臨溟海潮

靖難兵來寶玉焚
主危臣死更何云
就中不授臨危命
取似珪徵論後勳

巴人竹枝詞

郎在荆門妾在家年年江上望歸查茶蘼種得
高如妾縱有春風枉却花

何景明

竹枝詞

十二峰頭秋草荒冷烟寒月過瞿塘青楓江上
孤舟客不聽猿聲亦斷腸

張邦奇

次韵答東橋大司寇新營息園

有地都栽野草花當食撥飯與饑鴉楓林半夜

鳴孤鶴夢落西湖處士家

餘干大雪

湖上茅廬四尺強門前深雪與簷當姜肱海內
同胞滿安得衾裯覆萬方

子規曲

征人莫厭子規啼啼到悲時路轉迷金貝遶身
天萬里不如先放馬頭西

陸深

丙寅元旦待漏

時

孝宗賓天

參橫斗轉曉相將
迢遞宮門漏水長
不見滿朝環珮響
坐彈冰淚憶先皇

扈蹕詞

二首

春深南國半陰晴
輦路無塵御蓋輕
旋著賜袍忙上馬
中官傳道駕先行

板轎櫻輿渡碧山
澗花巖樹影龍顏
雲中別有迪陵路
趨過前驅插大班

徐禎卿

雨雪曲

雲合天山暗雪霏
馬蹄深陷虜音稀
將軍醉擁貂裘臥
不許屯兵解鐵衣

王韋

春草

帶雨和煙未可名
春風處處不勝情
于今南浦知多少
都向王孫去後生

韓邦靖

聖上西巡歌

邊軍隨駕盡鷹揚
馬上文臣亦武裝
雲繞旌旂

來五柞春隨簫鼓到長楊

戴冠

贈甘惠州

日出羅浮面面開使君花底放衙回人生何必
二千石只看羅浮也合來

楊慎

滇海竹枝詞

東浦彩虹懸水樁西山白雨點寒江煙中艇子
搖兩槳空裡鷺絲飛一雙

滇人喚虹霓爲水樁

青蛉行寄內

青蛉絕塞怨離居金鴈橋頭幾歲除易求海上
瓊枝樹難得閨中錦字書

顧可久

珠崖歌 二首

黃茅村巷浮浮地赤鹵刀錐役役場戴花負酒
趨虛女挾刃穿達躍馬郎

番人徯人種殊雜客語軍語音不同農家獲稻
春霖裡蛋戶穿玳曉浪中

海估行

偃月堂空罷舞塵
靖安坊冷怨佳人
芙蓉蓮子隨他去
不及當年石季倫

蔣山卿

從軍行

雪嶺愁雲凍不飛
黃沙白草路人稀
邊城春色惟看柳
纔到青時春又歸

薛蕙

春日漫興

草芽半吐參差碧
花蘂初開淺淡紅
安得黃金高北斗
盡輸青帝買東風

宮詞

禁闈處處鎖名花
步障層層簇絳紗
斟酌君恩似春色
牡丹枝上獨繁華

陳沂

南巡舊京歌

南都父老忽驚聞
五百年來見聖君
內傳尙存真氏傳
山樓還有閱江文

夏言

恭和靈幃

素練離離飛白虹
翩翩上引九虛風
雲中帝女施天巧
綰結長空雙玉龍

駕次沙河

百年不覩朝陵駕
父老懽呼識漢儀
春日沙河

河水上千村
花柳映龍旂

本朝謁陵之典自宣宗後五朝不復

舉今百二十年矣

御製諭昌平州官勅

經過陵邑念民窮
不見春田餉野農
聖主蠲

租親草詔輔臣宵
捧出行宮

上初至陵下行宮召見諭曰朕自發

京過沙河見居民甚少野無農事此地祖宗陵園所在甚切朕心今日昌平州官率耆老生徒來見宜詔諭是夕上親草勅藁漏下二鼓復召輔臣時捧出臣言預焉

林大輅

聞顧豐城似談振濠事
愴然作歌

四首

黃石磯頭散賊群
千艘萬艫寂無聞
漁郎識得

中軍隊歌罷
虞姬哭暮雲

安慶江邊鬼火紅
賊圍潰入夜濤
中張侯林倅

崔郎力不數睢陽保障功

安慶張知府文錦林同知有祿都司崔文

都臺憲副豈輕生漢署薇垣死有名多少王官

甘械繫只今遺恨楚江城

積薪環戶進賢劉偃草人心定此秋寶劔幾回

真殺賊平原當日未封侯

黃佐

嘉會樓

江沙白白楓葉紅鱖魚撥刺波搖空相逢漁父
不相識醉舞藤蓑明月中

敖英

朝川謁王右丞祠

蜀棧青驪不可攀狐城無計出秦關華清風雨
蕭蕭夜愁殺江南庾子山

周祚

初夏江岬閒步

望亭流影作旛幢亭上琅玕翠竹牕莫道前谿
絕低小下含河水入三江

呂憲

漫興

毛家窪南瀟瀟流東淮到門成小洲白鷗狎客
可憐態紅鶴作聲還復秋

唐順之

南征歌

月明吹笛武陵川馬上行人望跼鳶莫怕交洲
饒毒霧一冬飛雪似胡天

塞下曲贈翁侍郎總副

四首

詩書禮樂古人風開闔機鈴又不窳得一胡兒

如愛子用三敗將立奇功

千金買士却何爲一間過於十萬師黠虜欲
頭可購名王未獵客先知

馬邑遶胡數被屠王黃叛漢更通胡帷中妙算
能先發奪得黃旗與繡襦

少年意氣王千斤鐵棒曾穿萬虜群壯士從來
不病死孤兒今屬羽林軍

楊爵

獄中偶興

幽中冥漠久無家，犴戶難將國夢遮。
七載悠悠何所事，赤心白髮是生涯。

乙巳年復被繫路作

三木如堪及俊良，殺身不必慮深長。
投屍近有黃河在，誰肯將來葬首陽。

莊一俊

武夷山

轉徑入山洞，自斜碧桃時。結千年花，東風散與漁人醉。餽笛飄來四五家。

蔡汝楠

詠庭前菊

絕憐三徑蕭條日，自有凌寒菊滿叢。
若數從前花幾樹，開時誰不借東風。

王梅

過西澗書所見

西澗雨多澗水平，澗邊鷓鴣羽毛明。
日暮水深魚不見，唼藻搏沙獨自行。

薛應旂

興平道中二絕句

興平道上此經行黃葉斜陽倍愴情
尤物幾危唐社稷後來闡豎又潛生
百二山河亦壯哉偏經此地獨徘徊
武皇納諫知幾早不落玄宗路上來

楊妃劉瑾皆興平人

康朗

五坡哀文丞相

月滿江城葉滿山南豐秋色五坡間
故園賓客同時死碧海旌旗何日還

萬虞愷

毘陵舟夜與馮明府言別

潮回京口渡初平遷客揚帆指故城
計到海洲春草綠吳門江月共誰明

李時行

有感

三輔頻年說募兵黃龍羯虜幾時平
兒童月下吹蘆管半是秋風塞上聲

王世貞

弘治宮詞 十二首

甲帳銀燈夜未央
漸看鴛鴦有寒霜
三千粉黛
渾如掃
聖主重繙日講章

南海珠池貢已稀
西川又罷錦文機
朝來御服
三經澣賤妾
寧希曳地衣

禁苑先朝紅藥臺
御筵親爲兩宮開
莫嫌宮
監希恩賞玉輦
何曾更一來

午槐圓影覆彤除
今日天顏喜氣舒
穩坐御
床無一語
但稱難得老尚書

五月鮒魚白似銀
傳餐頗及後宮人
躊躇欲罷
冰鮮遞
太廟年年有薦新

黃帕朱奩覆御羞
手題頒賜壽寧侯
昆明督亢
從渠請今日臺官
在殿頭

琵琶雙鶴暗凝塵
玉指生疎調未勻
自是經筵
無曲宴不愁供奉
數中人

御前黃蓋進羨湯
玉筋頻停不肯嘗
應是司農
聞水旱蹙眉時
讀兩三行

靜數蓮籌第五更
寒鴉金井未分明
披衣欲坐

猶疑早前殿連傳警蹕聲

雪乳冰糖巧簇新坤寧尚食奉慈綸祈年好在

齋宮宿莫遣羊車別院頻

掖庭愁閉自年年今日承恩雨露邊又是舖宮

新例薄空勞少府積金錢

急遣追鋒召外家南宮桃李正如霞自從光祿

裁宣索長日從容且賜茶

正德宮詞 二十首

十年彤管侍 先皇太液甘泉蔓草荒七葉

神孫今好武苑西新闢鬪鷄場

蜀馬分弮對打球織腰帖地浣青油金牌銀盃

從渠愛誰敢爭先第一籌

僊韶別院奏新聲不按唐山曲裡名青鷄白翎

俱入破十三絃底似雷鳴

金鰲橋畔柳絲長舴艋船頭有柘黃六院小兒

初病酒御前親自過魚湯

兔首熊蟠載後車長楊輦道不須除勅教頒給

言官了玉儿知無諫獵書

窄衫盤鳳稱身裁玉靶雕弓月樣開紅粉別依
回鶻隊 君王新自虎城來

急勅甘泉暫解圍期門百騎少光輝中宮昨夜
聞歌管知道初從長信歸

玉水垂楊面面栽豹房官邸接天開行人莫愛
纏頭錦萬乘親歌壓酒杯

夜半毬燈出未央俄傳鞞鐸向平陽六宮處處
秋如水不獨長門玉漏長

綈案東頭有皂囊不知疇日進封章付教河下
金璫手莫遺 君王甲夜忙

淡黃初纈草屠蕪側坐蕭家老禿駒薄暮西風
吹袂起小龍團底露真珠

西師入座講蓮經勅許姪娥取次聽纓絡寶珠
從密施莫留餘障在宮庭

平明東閣下恩綸獸凱鸞鵲色色新大內別開
元帥府傳聲侍女莫稱臣

上陽宮裡進葡萄爭道沾恩色自驕小合黃封
雙御押大官將賜霍嫖姚

六軍容衛自星羅熊館鷹房處處過此日靈臺
顯候望不知龍虎氣誰多

帳殿春眠日色饒掖垣簪珥自群僚中官又啟
排當就亭午傳宣且放朝

純銀八寶白如霜金豆離離出尚方撒放御堦
憑拾取內人男子拜 君王

百子池頭九子祠 太皇恩許進香時深宮豈
少宜男草何地曾沾雨露私

傳呼京兆進春牛百戲魚龍曼衍游雜選香車
看不見好登遼后洗粧樓

勅掃椒風第二房俱傳倩女出平康天宮欲曉
人間事約伴相過話夕陽

西城宮詞 十首

芙蓉新樣紫霞冠細擁珠琲小鳳團一片香烟
叢裡出玉真朝罷簇迴鑾

新傳牌子賜昭容第一僊班雨露濃袋裡相公
書疏在莫教香汗濕泥封

五雷壇上雷一聲海子開口雨縱橫祈靈驗後

催傳賞馬上朱提玉手擎
色色羅衫稱體裁鋪宮新例一齊開菱花小樣
黃金合昨夜真人進藥來
花底傳籌到五更隱囊斜倚到天明寒霜不敢
蒙頭坐暖閣時聆罄欵聲
紅軒步輓碧油輪白玉堦頭不動塵阿監排當
湏次第喜來俱作放班人
兩角鷓青雙筋紅靈犀一點未曾通自緣身作
延年藥憔悴春風雨露中

梨園弟子鬢如霜十部龜茲九部荒妬殺女冠
諸侍長大羅天上奏霓裳

鰲山烟火冠春城步輦龍旌倒褪行忽報大官
供法酒玉音宣喚五先生

侍女俱傳厭虜符貓爲鐵騎鼠爲胡擣捨一博
天顏喜八寶金錢踈地鋪

李 萑

嘉靖宮詞 二首

沉水龍涎徹夜焚桂宮芝館結祥雲壇前纔布

諸天位苑外先催學士文
玉貌終年侍禁闈每逢時節賜金緋君王不愛
纖腰舞裁作雷壇拜斗衣

李 蔭

漿洗房

宮娥白首出宮門却入閒房亦是恩欲浣故衣
還袖手爲憐中有御書存

李 贄

大同城

此地真與鐵城同作者何人郭琥功更有尚文
周太保至今說著尚悲風

顧彥夫

酒

酒味從來識未真非甘非苦亦非辛若教強迫
劉伶問亦是含糊一醉人

周 塤

池上

小園無事自徘徊湛湛池清一鑑開照水忽疑

髯自動不知竹外細風來

游 潛

閒居卽景效廻文體

流水溪橋接岍沙雨飄紅點亂飛花洲邊樹色
山邊寺樓倚閒雲紅日斜

陸 果

獨坐吟

若將烟水論嚴光不若無名杜五郎一室坐來
三十載更無一步到東牆

馮惟敏

易水上候劉刺史良久未至

坐對青山眼倍明水邊相狎一鷗輕問余那得
閒如許來送燕州刺史行

王嘉言

古囊踪躡山西歌

匹婦腰鎌殺小胡代州城下獻頭顱將軍空有
黃金印十萬橫行一個無

穆文熙

投大冢宰相公

嶺上桃花萬樹繁
主人當日共朝昏
如今海內憑栽植
但向春風總不言

王世懋

送姚祠部擢叅楚藩

春風盡省謫仙居
襪被曾沾醉墨餘
別後倘憐同舍在
衡陽歸鴈武昌魚

林雲程

春行

林葉初齊棗葉稀
天涯遊子此時歸
青驪嘶斷春風起
山雉相將挾子飛

黃鳳翔

萬曆宮詞 八首

蠟炬星熒輦路隈
慈音勅送乘輿回
金瓶翠茗携將去
道是君王帶醉來

臨池落筆倍精神
鐵畫銀鈎最逼真
宣向外庭齊拜賜
宮中臣妾乞恩頻

紫宸朝罷宴游疎
閒對遺編樂有餘
難字遣將

垂顧問侍臣東閣共攤書

便面泥金出御前親臣捧硯拂爐烟蠅頭細字
題都遍進入承明玉案邊

霜毛鸚鵡傷雕闌巧舌依人似結歡白髮宮娃
空墮淚先皇覓到不曾看

種種紅綃繡佛身聞鷄施與曉行人中官虔奉

慈闈祝天保皇躬億萬春

清夜焚香上露臺火雲蓬勃不聞雷齋居減膳

塵明王今日郊壇步禱回

閣中宣喚內尚書除拜封章閱月餘閣帖銓評
都屏却一揮御筆不關渠

孫鏊

回文

鴉啼幾樹玉闌東夢破驚愁別院空紗袖翠籠
寒霧薄花殘雨夜一簾風

張鳴鳳

送吳生南還

汝昔爲兒髮被肩看余走馬向幽燕誰知人事

難如意斗酒相逢非少年

周弘禴

坑儒谷

平夷封建盡銷兵燒却詩書遠築城七百豎儒
同日死不知誰是魯諸生

馮琦

題闕氏畫像 二首

璿瑜春暖鎖芙蓉爭羨胡姬拜漢宮繞膝錦襪
珠勒馬當胸寶袜繡盤龍

塞北佳人亦自饒白題胡舞爲誰嬌青霜已盡
邊城草一片梨花冷不銷

沈九疇

段村 劉瑾段氏子

馬嵬南畔段家村甲第煌煌舊里門莫笑楊妃
三尺土敗垣荒草也黃昏

行經沙丘

聽徹雲璈海上來人傳漢武是僊才如何不逐
安期去也向沙丘道上回

郭正域

博望驛

五百旌旗出漢關歸來只共兩人還
葡萄只是人間種那見仙槎到斗間

虞淳熙

神宮監

奉帚陵園洗白蘋若爲露下倍傷神
秦宮耐可花前死忍向秋風哭聖人

袁弘道

除夕偶題

螺甲香沉蠟焰殘黃柑歷歷耀青盤
朝來令節候官長當去紅衫欲贖難

區大相

田家吟

東隣貰酒勞西隣百日方閒一日身
莫笑田家歡樂少漢家天子尚憂貧

海內傳聞有賜酺醵錢相就醉
枌榆詔書又報天南下不是寬租是索租

黃輝

偶題

袁崧山記驚三峽陸羽茶經品四泉如此山川
須領略及秋吾欲賦歸田

韋布

劉績

寄內敬

草沒龍城不見家遠隨羶騎獵平沙知君五載
思鄉淚滴損營前首宿花

葉唐夫

江村詩

家住夕陽江上村一灣流水繞柴門種來松樹
高於屋借與春禽養子孫

王蒙

宮詞

南風吹斷采蓮歌夜雨新添太液波水殿雲廊

三十六不知何處月明多

蒙作此詩仁和俞友仁見而悅之曰此其

得意句遂以妹妻之

皇明文徵

卷二十一

四

七

黃樞

送金如山往婺州

桃花雨晴春水生東風去船如箭行鯉魚活煮
蘭溪酒蓬底醉眠江月明

劉渙

秋蝶

欲歇還飛却又飛芙蓉葉底歛秋暉自知粉翅
渾消盡羞近尊前舞女衣

郭文

竹枝詞

金馬何曾半步行碧鷄那解五更鳴儂家夫婿
久離別恰似兩山空得名

史鑑

塞下曲

城下黃河城外山羗兒騎馬唱歌還磧西亦有
閑花草不信春風不度關

趙迪

晚眺

白雲深處野人家倚杖閒吟日未斜江上數峰
看欲盡晚鐘殘月入蘆花

莫止

書事

病眼經旬只掩書蕭蕭梧竹自村墟忽然驚喜
開門出 天子今朝已建儲

楊軾

寧波延慶寺僧房雞冠盛開賦魚字韻
絳績昂藏錦不如臨風欲鬪又躊躇若教夜半

能三唱驚起山僧打木魚

吳與弼

題嚴陵釣臺

富春山下大江橫千古英雄幾戰爭今日秋毫
非漢土釣臺獨自屬先生

鄭崐

老人

手裡搯藤長過肩月明扶醉步村前後生共問
前朝事及見 英皇北狩年

趙介

題昭君圖

玉筋啼殘別漢京
天驕含笑擬長城
傷人莫訝腰肢瘦
猶勝嫵姚十萬兵

陳雖

葛嶺懷古

山上樓臺湖上船
平章醉後懶朝天
羽書莫報樊城急
新得蛾眉正少年

錢蒙

絕句

湖海風塵入髯毛
歸來燈火對兒曹
道人不是封侯骨
錯把黃金鑄寶刀

魏學禮

送人之北

萋萋芳草覆江沙
燕子歸時不在家
惟有海棠花上月
隨君千里到京華

黃省曾

擬洪武宮詞

六首

鷄鳴 天子下牀梯內直紅粧兩隊齊闐闐虎
頭門大啟春星猶帶紫宮低

金鋪玉戶月流輝寶座瑤堂映紫衣 聖王觀
書居大善三更龍輦未言歸

雲簷排比玉妃房戶戶俱鋪紫木牀 聖后從
來勤內治不教偷嬾雜沉香

鑿教金井受天光小小銀瓶挂玉牀此是 聖
人新制度諸宮各院盡相當

清萱到處碧鬢鬢興慶宮前色倍含借問 皇
家何種此太平 天子要宜男

九五飛龍寶殿高朝回常侍赭黃袍星祥一過
天王目長夜經綸不厭勞

孫一元

醉着

清樽倒盡醉還醒獨抱魚竿臥晚汀風露滿身
呼不起一江流水夢中聽

呼相儒

睡起卽事

翠流松日石牀陰啼鳥驚人過別林夢裡呼童
掃紅葉覺來簷際落花深

金鸞

白苧詞

美人終夜理吳機白雪新裁作舞衣莫把
君恩倚團扇西風容易入羅幃

黃淑清

陳旣南睡影

五季干戈一枕間擔頭天子起華山陳橋厓海

須臾事公在夢中開笑顏

徐渭

邊詞十首

並客燕時到馬水及宣府之作

四壁龍門鍊削圍枉教鄧艾裘羶衣莫言虜馬
愁難度即使胡鷹軟不飛

牙兵個個是熊羆別選奇才養作兒試看陣雲
穿急處一團蜂子擁人飛

立馬單盤俯大荒提鞭一一問戎羗健兒只曉
黃台吉大雪山中指帳房

黃酋墮馬已成禽漢卒爭功被脫身魂魄至今
留黑石堦整連歲落魚鱗

黑石堡所禽地也
得其甬上之朝

八里庄兒一堡中銀環小杏墜腮紅粧成自不
撩人看起莖黃芻銀鍊驄

葛那頸險斷胡刀驀手攀頰按得牢歸向鏡中

嫌未正特搓過左一絲毫

葛那宣府
之降胡

女郎那取復梟英此是胡王女外甥帳底琵琶
推第一更誰紅頰倚盧笙

此下三首並
俺答甥女事

老胡寵向一人多窄袖銀貂茜叵羅透與遼東

黃鷓子側將雲鬢打天鷲

汗血生駒撒手馳况能粧態學南閨妹將阜帕
穿風去愛綴銀花綽雪飛

姑姑花帽細銀披兩靨腮梨灑練椎個個菱花
不離手時時站馬上胭脂

上谷邊詞

三首

胡兒住牧龍門灣胡婦烹羊勸客餐一醉胡家
何不可只愁日落過河難

胡兒處處路旁逢別有姿顏似慕容乞得杏仁

諸妹食射穿楊葉一翎風虜最嗜糖纏杏仁

駱駝見柳等閒枯虜見南醪命拚殂倒與鴟夷

留一滴回韁猶作卵兒姑北諺云駱駝見柳達子見酒又夷言磕頭

為卵兒姑

俞 寰

春日同應禎文東飲溪上草堂

芳園背郭百花深亭館東風變夕陰遮莫青山
寒到面生憎白雨喚歸心

呂時臣

懷三兄敬叔

柴門秋老月華清不肯隨人入市城樓下石渠
通海眼知君獨夜聽潮生

賈客

谷 淮

寄遠

瓊花臺上雨初收黃歇山前水急流莫道別來
鄉國異南江愁是北江愁

小史

李英

十月京師紀事

蕭關風急馬頻嘶
四塞河山動鼓鼙
獨立高臺望烽火
胡笳多在薊門西

釋衲

宗泐

送劉道士葬師

欲成仙道古來難
曾向先師學內丹
不省稚川屍解去
人間猶自葬空棺

夢觀

題日觀畫葡萄

短衣狂走至元僧
醉唾驪珠十斛冰
定起山樓寒月上
一牕風影寫秋藤

魯山

寄廣川準無則

白雲紅樹對離情
秋意微茫画不成
吟就新詩書落葉
憑風吹過德州城

明秀

秋興

澤國千家水氣浮，洞庭七十二峰秋。
猶聞風雨延陵劍，不見江湖范蠡舟。

法 杲

山居

茅菴總是白雲封，猶想當門樹幾重。
除却牀前三尺地，鑿開春霧盡栽松。

中涓

龔 輦

和管天節求竹韻

庭前種竹只三竿，冰雪叢中共奈寒。
欲把一枝分贈汝，可憐二丈不心安。

閨秀

王素娥

渡錢塘喜晴

風微月落早潮平，江國新晴喜不勝。
試看小舟輕似葉，載將山色過西陵。

孟淑卿

秋夜

荳花雨過晚生涼
林館孤眠怯夜長
自是愁多不成寐
非緣金井有啼螿

朱靜菴

竹枝詞

橫塘秋老藕花殘
兩兩吳姬蕩槳還
驚起鴛鴦不成浴
翩翩飛過白蘋灘

虞姬

力盡重瞳霸氣消
楚歌一散恨迢迢
貞魂化作

原頭草不逐東風入漢郊

陳孺人

七夕

靈鵲成橋事有無人間
今夜憶仙姑倚牕坐久
秋聲動一夜西風到碧梧

孫夫人

聞徵瓦氏兵至

傳聞瓦氏勇超群
萬里徵來淨寇氛
多少材官屯海畔
策勲翻仗女將軍

茅氏

賣廢宅詩

壁有蒼苔甕有塵家園一旦屬西隣傷心怕見
門前柳明日猶如陌路人

潘氏

咏柳

烟柳青青葉已齊半簾紅日小鶯啼玉樓人靜
悲橫笛惟有東風吹向西

馬孺人

謝蔣大姐寄鞋

金蓮小瓣墮瑤池想像深閨結繡時無限巧心
勞遠寄露多不忍下階墀

許景樊

竹枝詞

空舫灘口雨初晴巫峽蒼蒼煙霧平長憶郎心
似流水早時纔退暮時生

張引元

梅妃怨

莫倚長門嘆月明古來薄命自傾城多才總有樓東賦不入離宮絃管聲

張引慶

燕子樓

洛陽三月雨如煙添得離人思黯然惆悵秦樓分鳳侶清燈寒月自年年

徐小淑

寄懷

露井桐黃落雁風空江木老冷芙蓉薄寒不共

秋宵盡輕透征衫第幾重

青樓

張紅橋

寄林子羽

寂寂香閨枕簟空滿階秋雨落梧桐內家不遣園林去音信何緣寄塞鴻

張九

春日卽事

金針戳破牕兒引入梅花一線香螻蟻也知

春色好倒拖花瓣上東牆

趙金燕

和桃源人去絳幘寒

桃源人去絳幘寒萬樹桃花春未殘
洞口有雲流白鶴人間無路見青鸞

外夷

答黑麻

西湖

一株楊柳一株花原是唐朝賣酒家
惟有吾邦

風土異春深無處不桑麻





